

priam voluntatem propriamque iudicium complectimur, illos odimus & auerſamur, qui Voluntati & Iudicio nostro vel minimum contradicunt. Verte & pugna.

8. Cum eo hoste velle congregi, & cominus pugnare, qui eminus est vincendus.

8. Cum eo hoste velle congregi & cominus pugnare, qui eminus est vincendus. Sæpe hostis acquirit vires è vicinia; talis est libidinis tentatio, & omnia vitia voluptatis aliquid stillantia, quæ longè rectius fuga, quam collato pede superantur. Aduerſus hæc tantò felicior pugna suscipitur, quantò remotior.

9. Fugiendo velle hostem vincere, qui pugna vincendus est stataria.

9. Fugiendo velle hostem vincere, qui pugna vincendus est stataria. Eius generis sunt aduerſa & incommoda omnia, his vera patientia non cedit, nec ea vincit fugiendo, sed ferendo. Pedem cum illis cõfert, & vniuersa superat, placide tolerando. Verberant nos & lacerant res aduerſa. Non est sæuitia, certamen est, quod quò sæpius adierimus, fortiores erimus. Ad contemnendam malorum omnium potentiam, animus patientia durandus est.

10. Armis pugnare similibus, cum pugandum esset contrariis.

10. Armis pugnare similibus, cum pugandum esset contrariis. Quid stultici & minus Christianum, quam odio contra odium, garritate contra garritatem, stultitia contra stultitiam, conuicia aduerſus conuicia pugnare. Disparibus hic armis certandum est. Odium amore, Garrulitas taciturnitate, fatuitas sapientia, conuicium faulta preceatione oppugnamus. Prima legis est: Non reddentes malum pro malo, nec maledictum pro maledictor sed è contrario benedicentes. Ne respondeas stulto iuxta stultitiam suam, ne efficiaris ei similis.

11. In leo hoste debellando frustra se fatigare, qui debellari potest sine labore.

11. In eo hoste debellando frustra se fatigare, qui debellari potest sine labore. Melior est patiens viro forti. \* Quid igitur vindictam operose moliris? Exspecta Dominum, & liberabit te. Magis eminet fortitudo in perferendis aduerſis, quam in aggrediendis arduis. Tu ergo, quiesce, sile, patere, & causam tuam Deo committe. Ille in hostes tuos, te quiescente ac silente, acerrimè vindicabit temporè.

12. Hostem suum ad suum exitum & interitum iuuare.

12. Hostem suum ad suum exitum & interitum iuuare. Non est timendus hostis, qui non vincere potest nisi volentem aut iuuantè. Diabolus certè nec vincere nisi volentem nec iugulare potest, nisi iuuantem. Diabolus pectori gladium apponit, cum sædas noxiæque cogitationes suggerit, tu ipse hunc gladium cordi tuo infixis, cum cogitationibus consentis. Diabolum iuuas, cum ad foueam, in quam præcipiteris, properas. Fovea profunda est meretrix, & puteus angustus, aliena.

13. Præceptiones extra dictas stultitias.

13. Præceptiones extra dictas stultitias. Tentationes aperiendo, sed non obuiò cuique. Aperiendo esse tentationes omnium sapientum est consilium, sed aperiendo intelligenti rerum harum perito. Veluti duo nebulones Sulfannæ pudicitiam tentantes, alter alteri suam tentationem pessimè aperuit, nam cæcus cæcum duxit, & ita verque in foueam corruit. Sæcus frumentarius nucibus plenus seipsum prodit, animus tentationibus agiturus ægerimè se cõinet, quin erumpat, aut certè signis pandat. Iacob Rachelem & Liam affatur: vide os inquit, faciem patris vestri, quod non sit erga moſtrem heri & manducantibus. E vultu didicit auunculi contra te tentari notas. Tentationes detegere sed prudenti, & qui conscientias tractare nõrit, consultissimum, imò necessarium, alioqui cor exedunt, & ad pessima quæque impellunt, tan insipienter claustræ. Spiritales viri experimentis creberimur, & malo suo didicerunt, non sibi prius lucem è celo alluisse, quàm ipsi conscientiam & animum tentationibus inquietum Magistro spiritali aperuerint. Silentium hæc in re perniciosissimum est. Tentationes pateface, sed imprudenti aut obuiò cui-

que, pessimum, nocentissimum. Nam tentatus alium turbat & seipsum non iuuat.

11. Tentationum multitudo præmeditanda. Solebat Abbas tirones suos in turrim editâ educere, & loquentem manu remotissimum locum componfrans: En, aiebat, si ab hac turri vsque illuc quò pertingere possunt oculi, omnia crucibus essent oppletata, tamen tuas esse numerosiores crede. Animam tuam ad tentationem præparata. Innumera tibi etiamnum toleranda. Ita in antecessum munit tironem.

Anno Christiano millesimo decimo sexto Benedictus VIII. summus Pontifex regem Saracenum prælio vicit. Rex fugit, sed vires denudè collegit. Atque vt Pontificem terteret, grandem saccum fardianis glandibus, seu, castaneis plenû misit cum hac denunciatione: Tot milites ætate proxima expectaret, qui vastarent Italiam. At Pontifex vt literis nimium animosis responsum congrueret, Marsupium milio iussit impleri, & Saraceno regi transmitti, his additis: Veniret modò, salutandum cum à tot armatis, quot milij grana marsupio clauderentur. Darius, vt ferunt, hosti Alexandro Macedoni peram misit papauere stipatam, & vnâ dici iussit. Auferet progredi si vellet: pediatum & equitatum sibi tam esse numerosum, quam missum papauer esse cerneret. Quod Alexander solum gustans expuit, & sacculum pipere non confuso plenum remisit cum dictis: Tam pediatum quam equitatum meus tuus est minor, sed est animosior. Tales funt minæ diabolij, quales erant insanorum ducum illorum, Sed adfit. & innumeris nos tentationibus incursat, quibus auxiliatore Deo pugnat, impavidus proclamat: Dominus illuminatio mea & salus mea quem timebo? Si consistam aduersum me castra, non timebit cor meum. Si exurgat aduersum me prælium, in hoc ego sperabo. Non timebo millia populi circumdantis me.

Othoni I. Imperatori bellum memorant denuntiatâ, adiecit his minis: Plures hostiles galeas in Germania spectandas, quàm ea tota pileolos habeat stramineos Risi Imperator prætumidam barbariem, & infolenti regi vicissim nunciari iussit. Veniret, si animo id fessisset, & coram cerneret quàm militares essent straminei pileoli. Hinc miles pileatus non galeatus in aciem iussus descendere. Venit igitur rex barbarus, & vidit, sed reuera non vicit. Nam prælio fufus, fugatus, captus est. Multitudo tentationum & copia quæ vel vnicum hominem infestat, sit velut culeus castaneis, aut marsupium milio, aut papauere, aut crumena pipere, aut saccus nucibus reſertus, nil tamen trepidandum. Solutio est quod Elifæus ministro suo dixit: Noli timere, plures enim nobiscum sunt, quàm cum illis.

Affyrionum rex Sennacherib ingenti cum exercitu in Iudæum sese infudit, omnemque impetum belli aduersus Ierosolymam vertit. At verò rex Ezechias rebus bellicis prædeter ac maturè dispositis, ad cohortandum populum progressus: Viriliter agite, inquit, & confortamini; noli timere, nec paucais regem Affyrionum, & vniversam multitudinem, quæ est contra te, multò enim plures nobiscum sunt, quàm cum illo. Cum illo enim est brachium carnis: nobiscum Dominus Deus noster, qui auxiliator est noster, pugnatque pro nobis. Confortationis est populus huiuscemodi verbis. Ita omnino præmeditanda tentationum multitudo, non formidanda. Nobiscum est Dominus Deus, qui auxiliator est noster, pugnatque pro nobis.

§. III.

Remouendus tentationum fomes; agendum viriliter. Silex & chalybs si collidatur, scintilla proficiunt, celer emicat ignis, fomitem huic igni subtrahes, eum nolis viuere; ita tentationibus fomenta diripe, si eas nolis inualeſcere. Ite nunc vani; pecunias aceruate, honores & dignitates inhiate, voluptates vndeque acquirite, indulgete genio, sit plena sensibus licentia.

Hic